



საქართველოს იუსტიციის უმაღლესი საბჭო

ლევან ნემსაძე

ბიულეტენი

კენჭისყრა - 30.05.2024

თანახმა ხართ თუ არა, საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარდგენილ იქნეს გოჩა ჯეირანაშვილის კანდიდატურა?

დიახ

არა



საქართველოს იუსტიციის უმაღლესი საბჭოს წევრი ლევან ნემსაძე

საქართველოს იუსტიციის უმაღლესი საბჭოს მდივანს
ბატონ ნიკოლოზ მარსაგიშვილს

**საქართველოს უზენაესი სასამართლოს მოსამართლის თანამდებობაზე ასარჩევად
საქართველოს პარლამენტისათვის გოჩა ჯეირანაშვილის კანდიდატურის
წარდგენის შესახებ გადაწყვეტილების დასაბუთება**

საქართველოს იუსტიციის უმაღლესი საბჭოს 2024 წლის 24 იანვრის №1/4 განკარგულებით, დაიწყო საქართველოს უზენაესი სასამართლოს მოსამართლეობის კანდიდატთა შესარჩევი პროცედურა უზენაესი სასამართლოს მოსამართლის 3 ვაკანტურ თანამდებობაზე მოსამართლეობის კანდიდატთა შესარჩევად. საქართველოს იუსტიციის უმაღლესი საბჭოს 2024 წლის 22 თებერვლის №1/10 განკარგულებით, მითითებულ პროცედურაში კანდიდატად დარეგისტრირდა გოჩა ჯეირანაშვილი.

იუსტიციის უმაღლესი საბჭოს 2024 წლის 21 მაისის 1/23 განკარგულების საფუძველზე, „საერთო სასამართლოების შესახებ“ საქართველოს ორგანული კანონის 34¹-ე მუხლის მე-13 პუნქტის შესაბამისად, 2024 წლის 30 მაისს ჩატარებული ღია კენჭისყრის ფარგლებში, საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენად, მხარი დაეუჭირე გოჩა ჯეირანაშვილის კანდიდატურას.

კანდიდატის მიერ წარმოდგენილი დოკუმენტაციის, საქართველოს იუსტიციის უმაღლესი საბჭოს მიერ მოძიებული ინფორმაციისა და კანდიდატთან გამართული საჯარო მოსმენის შედეგად მიმჩნია, რომ გოჩა ჯეირანაშვილი სრულად აკმაყოფილებს „საერთო სასამართლოების შესახებ“ საქართველოს ორგანული კანონის 35¹-ე მუხლის მე-2 და მე-3 პუნქტებით გათვალისწინებულ კეთილსინდისიერებისა და კომპეტენტურობის კრიტერიუმებს. ამასთან, ჩემს მიერ კომპეტენტურობის კრიტერიუმის მიხედვით კანდიდატი შევასებულ იქნა **92**

ქულით, რაც „საერთო სასამართლოების შესახებ“ საქართველოს ორგანული კანონის 35¹-ე მუხლის მე-17 პუნქტით განსაზღვრული მაქსიმალური შეფასების 92%-ს შეადგენს; ხოლო იუსტიციის უმაღლესი საბჭოს საერთო შემაჯამებელი რეიტინგის მიხედვით კანდიდატმა დააგროვა 1386 ქულა (მაქსიმალური შეფასების 92,40%) და საერთო რეიტინგში დაიკავა მეორე ადგილი.

კანდიდატ გოჩა ჯეირანაშვილს აქვს მოსამართლედ მუშაობის დიდი გამოცდილება. იგი არის მიზანდასახული, პრინციპული, შრომისმოყვარე პიროვნება; სასამართლო სხდომებს უძღვება სათანადოდ და იცავს სამოსამართლო ეთიკის წესებს; არის პრინციპული და შეუძლია ემოციების მართვა; ორიენტირებულია მუდმივ თვითგანვითარებაზე.

აღსანიშნავია ის გარემოებაც, რომ იუსტიციის უმაღლესი საბჭოს სხვა წევრებმა, რომლებიც მონაწილეობდნენ ზემოაღნიშნულ შეფასების პროცესში, ასევე დადებითად შეაფასეს კანდიდატი და მიიჩნიეს, რომ იგი სრულად აკმაყოფილებს როგორც კეთილსინდისიერების, ისე კომპეტენტურობის კრიტერიუმებს.

კანდიდატის მიმართ არ გამოვლენილა რაიმე გარემოება, რაც ეჭვქვეშ დააყენებს მის კეთილსინდისიერებასა და კომპეტენტურობას.

ყოველივე ზემოაღნიშნულიდან გამომდინარე, მიმაჩნია, რომ კანდიდატი გოჩა ჯეირანაშვილი სრულად აკმაყოფილებს საქართველოს უზენაესის სასამართლოს მოსამართლეობისათვის აუცილებელ მოთხოვნებს და მხარს ვუჭერ მის კანდიდატურას საქართველოს პარლამენტისათვის წარსადგენად.

პატივისცემით,

ლევან ნემსაძე



30.05.2024